

四庫全書

集部

欽定四庫全書

集部

明詩綜卷六十三  
四

詳校官中書<sub>臣</sub>涂日煥

主事銜<sub>臣</sub>徐以坤覆勘

總校官降調編修<sub>臣</sub>倉聖脉

校對官庶亨<sub>臣</sub>潘魯起

謄錄監生<sub>臣</sub>楊恪

欽定四庫全書

明詩綜卷六十三

翰林院檢討朱彝尊編

朱之蕃

一首

之蕃字元介南京錦衣衛籍在平人萬厯乙未  
賜進士第一授翰林院修撰以右春坊右諭德  
掌院印以右春坊右庶子掌坊印升少詹事進  
禮部右侍郎改吏部右侍郎贈禮部尚書有使

朝鮮橐南還紀勝諸集

靜志居詩話元介文翰兼工張檀東國與館  
伴周族有倡必和微嫵詩材悞熟語不驚人

和周吉甫春日移居

牆短山齋出庭空月易留泉香浮茗盃漁唱起蘋洲終

歲一無事平生百不憂奔忙渾未解酒伴且相求

一作苦復

何由

孫慎行一首

慎行字聞斯武進人萬歷乙未賜進士第三授

編修歷官南京禮部尚書贈太子太保謚文介  
遭遇

誰料恩深放棄餘山人猶帶舊銜居中山篋在猶寒膽  
上殿爭時判引裾天地有情開一網江湖無夢到三閭  
自來多少歎歎感聖主英明古不如

劉一燝一首

一燝字李晦南昌人萬歷乙未進士改庶吉士  
授檢討歷官禮部尚書兼東閣大學士加太子

太保謚文端

歸田作

乞得閒身返故林  
避賢者路漫沉吟  
當歸分合山中老  
戀主情彌闕下深  
鑿井耕田歌帝力  
量晴較雨答天心  
十年塵夢今番破  
一曲滄浪思不禁

陳于廷 五首

于廷字孟諤  
宜興人  
萬曆乙未進士  
授光山知縣  
補秀水  
擢監察御史  
巡按江西  
山東  
轉太僕

少卿歷太常卿大理卿兵部侍郎坐削籍起南  
京都察院右都御史召總內臺加太子少保謚

恭定有定軒橐

詩話恭定為予友其年檢討之祖行事詳國  
史韻語不甚傳擬江文通雜詩頗稱具體

古別離

三歲為君婦未嘗下高堂一朝遠送別佇泣官道傍君  
行官柳青君歸官柳黃與君別經年相思莫相忘行過  
無定河莫飲無定水天涯游子心飲之恐爾爾應思閨

中人容光易摧毀

擬陳思王贈丁儀王粲

王師入京邑  
天宇俄廓清  
九廟肅鐘簋  
十陵翦棘荆  
皇路日就坦  
相君靡自盈  
吐哺則公旦  
闢門羅雋英  
黃髮縹緲組  
深巖賁弓旌  
嗟余同心侶  
夙昔諧嚶鳴  
胡為慕孤介  
堅欲解世纓  
延陵匪通誼  
干木庸近情  
願迴墨子車  
且過朝歌城

擬王侍中粲懷德



關中構喪亂浮渭向洛城京雒復殘破孑身遁蠻荆虎  
兕傷在野流離嗟獨行河山邈非故魂魄黯自驚乘桴  
浮海若登樓眺神京自斷秦川樹心搖伊闕旌哀哀孤  
飛鳥詎有擇木情公子忽我覲欬唾分瓊瑛魚藻醉明  
德鹿革賡和鳴鄙人守貞貞則嘉惠懷篤誠所期慎厥修  
福履永不傾

擬謝僕射混遊覽

大塊真勞生俯仰日縈感內庭鮮懼悰遠郊豁幽覽寓

目極寥廓開襟愜澄澹巖阿秀菊庾江濬揭葭莢會歎  
景搖落任觀運流坎代謝亦何常章光總歸闇達人遺  
浮榮自視一何歛

擬休上人怨別

楚客思無賴涉秋逾黯然金甌起天末槁葉墮我前素  
帷延華月淨琴響哀絃白雪懷郢人滄洲憶成連壺觴  
對不舉何以暢幽悵

王維儉

一首

維儉字損仲祥符人萬厯乙未進士除知濰縣  
徵授兵部主事尋削籍起光祿寺丞累遷大理  
少卿以僉都御史撫山東入為工部右侍郎轉

左侍郎有王損仲集

詩話損仲宋史記予從吳興抄  
得之未見出人意表詩頗瀏亮

送霍臨渠少府守河州

不盡湟中路秋風促宦程  
佩刀辭佐郡分虎已專城  
積石攢雲起洮河近郭明  
羌戎亦赤子休使塞烟驚

王思任

一首

思任字季重紹興山陰人萬厯乙未進士知興  
平當塗青浦三縣袁州推官所至鐫級稍遷南  
刑部主事九江僉事有避園擬存虞山詠

詩話季重滑稽  
太甚有傷大雅

勺園

纔辭帝里入風烟處處亭臺鏡裏天夢到江南深樹底  
吳兒歌板放秋船

高承祚一首

承祚字元錫松江華亭人萬曆壬辰中會試乙未賜同進士出身改庶吉士授檢討

聚首

人生聚首難離別何可久去日三春花今朝九秋柳

沈覃

九云語不在  
深詩家合作

賀燦然二首

燦然字伯闇秀水人萬曆乙未進士授行人升

吏部主事終員外有六欲軒五欲軒集

詩話吳中伍御史袁革撰林居漫錄詆譏前輩  
淆亂是非吏部不平作漫錄評正駁之御史復  
撰駁漫錄評正吏部又作駁漫錄評正兩公  
不亦好辨哉然合而觀之曲直自見國史所宜  
審擇也

泊彭城

山城多宿雨日暮起悲風賈客行將絕中涓計已窮叩

閣雙闕迴縣磬九州同應有輪臺詔朝來出漢宮

邯鄲懷古

雲迷襄國雨霏微舊日叢臺過客稀  
三晉河山仍不改  
六王宮殿已全非  
照眉池冷荒臺合  
講武臺空野雀飛  
猶有邯鄲樓上月餘光常照酒人歸

朱萬鍾一首

萬鍾字仲詔宛平人萬厯乙未進士除永寧知  
縣補銅梁再補六合入為大理右評事遷戶部  
主事升員外改工部進郎中出為浙江右參政  
升江西按察使有北征吟

詩話先生為水曹郎築園海淀之北中有色空  
天太一葉松垞翠葆榭林於澁總名之曰勺園  
又曰風烟里自念園在郊關不能日涉因繪園  
中景為燈丘壑亭臺纖悉具備都人爭尚之號  
曰米家燈嘗於元夜集客賦詩麗水呂太常邦  
耀即席口占二首其一云玉綃疊出上元村雙  
炬懸來景物繁恍惚重游丘壑裏米家燈是米  
家園其二云輕舟寒夜渡無冰波入銀綃訝月  
升宛似夢中曾一照米家園是米家燈一時和  
者數百人列成一集可稱好事亦太平佳話也

新秋泛清溪

共客邀新爽迴舟刺晚風涼生思越亭病起訝燕鳴星  
權搖虛白漁燈簇小紅怪來蕭颯早衰草怨吳宮



范允臨二首

允臨字長倩松江華亭人居吳縣萬厯乙未進士授南兵部主事改工部歷郎中以按察僉事提學雲南遷福建布政司參議有翰寒館集

詩話先生筆精墨妙揮毫落紙與董尚書爭工晚築別業於天平山之陽彈絲吹竹選伎徵歌江表望為神仙中人又得佳耦唱和傳鈔片楮比於珊瑚之鈎范氏家藏遠祖隋其唐時告身尚在文正忠宣諸老手澤猶新義田長以振窮牢木未嘗改列清門百代四姓遠不及也

有憶

井唾不復顧花飛難再攀江頭一片石應化女郎山

詠翦春羅

君恩宴曲池為郎製宮錦月落杏花寒裁縫剪刀冷

沈琦二首

琦字仲玉吳江人萬曆乙未進士除淄川知縣  
以憂歸起補高陵再調三原人為禮部主事有

珠樹軒橐

送馬長山擢守樵李

我家住江南只盼江南路君今正向江南行却望君家  
又回顧執手空嗟離別難齊人感咽越人歡只今南北  
蒼生望總向循良傳裏看憶昔交君頓成契芝蘭金石  
盟前締相逢春日春更融相別秋風秋轉厲江南土俗  
舊清嘉到處風光盡可誇天目峰頭雲吐月餘杭城外  
水漂花天子黃扉方側席致治思同二千石語君暫作  
江南行會捧徵書向江北

別家次諸兄弟韻

握手他鄉路回頭故國城漸驚親舍遠真覺一官輕急  
權隨雲影悲笳雜鴈聲無情東去水相對亦淒清

沈

琬一首

琬字季玉琦弟與凡同榜登第由鳳陽府學教  
授遷南國子監博士升南刑部主事歷郎中出  
知東昌府轉山東按察副使

漂母

偶然一飯進王孫答贈千金未足論何事怨家還報德

淮陰年少亦推恩

陸錫恩

一首

錫恩字伯平湖人萬厯乙未進士除萬安知縣入為刑部主事歷員外郎有雙鳬草

詩話伯承不耐判牘放情山水間自號夢蝶居士又號癰丈人亦號癡丈夫年四十二自撰壙誌而殯詩頗澹雅

鮑叔牙故里

落景滿齊郊雲橫暮山紫緩轡問遺封云是鮑叔里三

北識奇才一匡酬夙恥古人在信心今人多貴耳士苟  
未遇時畢生行蓬累長風不我借羽翼安得起所以管  
大夫沒齒感知已

袁時選

一首

時選字無擇鄞縣人萬厯乙未進士除遂溪知  
縣遷南刑部主事

新興道中

偏側新興路逶迤傍水隈萬山迎馬合片雨逐人來村

犢騎偏穩江鷗下不猜頻年牽物役延眺亦悠哉

呂克孝 三首

克孝字公原青浦人萬厯丁酉舉鄉試第一官工部司務歷郎中有媿翁詩草

詩話公原領解之秋先文恪葉文忠偕主試事先公業拔公原卷將置第一矣文忠謂是卷文雖高慮終不得第先公云吾亦知此人不第然學者也榜遂定既而公原屢試南宮輒擯落以學行稱於時先輩衡鑒不爽若是天啓初公原官工部司務時先大父君籲公承蔭選授都察院照磨署經歷司事同公原建首善書院乾魚脫粟比坊墁匠石不有加味書院成大父已遷

官故碑記不列名族為梁夢環所彈下獄思陵  
即昨得釋晚知楚雄府事歸貧不能治舟楫而  
公原還里詰寃略同其詩有云客歸三日典春  
衣又云慣住低頭屋能炊折脚鐺殆實錄也

青谿菴

江令何年宅風流不可招荒烟迷斷礎陳迹寄空寮日  
影移雙樹谿聲自六朝遙分鍾阜影紫翠落層霄

棲霞寺

宅記明僧紹碑傳江總持淒涼自人代窈窕隱山茨明  
月千巖宿松風萬壑垂階前雙杏樹曾見劫灰時



過田叟

我欲驅黃犢移家傍屋東  
但容茅蓋頂先為築牛宮

胡震亨

二首

震亨字孝轅海鹽人萬厯丁酉舉人官定州知州有赤城山人藁

歲晏悼室人詩

二首

歲晏感物變志意鮮歡愉  
念我同懷子涕下沾衣襦  
如  
何苦寒節衾裯不復俱  
空閨一以閉飢鼠晨夜趨  
光儀

恍不減魂魄知有無煩冤日盈抱寧從促景徂

空林凜寒風殘照慘夜色沉思結幽感夢子來我側踟躕將  
何憩容輝忽已匿昔如中洲鳩關關雙鼓翼今如失群獸哀鳴不  
遑食庶無荀生鄙媿彼蒙莊識豈伊生死情含義良不惑

趙秉忠 一首

秉忠益都人萬歷戊戌賜進士第一官禮部尚書

送張水部南歸

平子歸田去山川賦舊游遺榮繞北闕高興已南州鱸

繪三江月菰蒲五月秋襟期知曠達尊酒寫離憂

黃河

河水南浮泗漕渠北注燕衆心憂壁馬天意護樓船龍  
首疏秦日鴻陂復漢年園陵看王氣松柏正蒼然

彭城

九日彭城道高天白鴈來但聞楓葉下不見菊花開風  
起橫蛇澤雲橫戲馬臺江關何處所一望一徘徊

閨體

莫上翠樓看望見官城渡垂柳碧於簪是郎去時路

曉行道中

曉風蕭颯逗疎楊此日關山別恨長試聽高城吹畫角  
秋河不動月如霜

靈濟宮

星幢霞旆畫繽紛十二瓊樓駐彩雲鸞鶴紫霄時上下  
步虛雙引玉晨君

何如寵

一首

如寵字康侯桐城人萬厯乙未進士戊戌殿試  
改庶吉士除編修厯官少保戶部尚書武英殿  
大學士贈太傅謚文端有後樂堂集

七十自壽

黃龍枉自說三關白鶴何須鍊九還醉客豈真千日醉  
閒人難到十分閒清溪水滿長揺艇紅雨春深一看山  
時至便行無不可幾能塵世駐朱顏

周如磐一首

如磐字聖培莆田人萬厯戊戌進士改庶吉士  
歷官太子太保禮部尚書文淵閣大學士贈少  
保謚文懿有澹志齋集

采菊

高秋凜風色百草遞萎黃  
嘉彼東籬英參差裛露光  
采之不盈掬悠然傾我觴  
杖策寄事外仰視歸鳥翔  
會心水木間獨坐以徜徉

陳邦瞻

四首

邦瞻高安人萬歷戊戌進士官吏部侍郎

七夕

歲時還七夕風俗更杭州聞道湖船女爭歸乞巧樓輕  
雲籠月度疎樹帶星流不有乘槎客憑誰識女牛

久雨

久雨牆苔積濃陰苑樹遮席門寒下雀蒿徑曲藏蛇浦  
水連街潤江潮帶閣斜誰憐都會地卑濕似長沙  
辛丑之秋自留署乞假歸省沿途觸景輒成

水次蕪山次昏星復曉星古城巢父廟仙迹呂公亭日  
落山光白雲流石氣青橫塘秋浪濶鷗鳥自冥冥

畢懋康一首

懋康字孟侯歙人萬曆戊戌進士官兵部侍郎

束茅行

候人何太苦早晚迎官府間積數根茅為炊且結宇官  
府中夜行不絕吏呼聲燃火照官路猶云火不明燃茅  
茅無束次第拆茅屋官府猶未知宵征車輶輶



徐良彥

一首

良彥字季良新建人萬歷戊戌進士官工部侍郎

落葉

落葉不上枝因風亦復起清風本無私何因有彼此一  
葉隨飄蕩一葉沾泥滓寄語風前葉莫墮東流水

洪瞻祖

一首

瞻祖字貽孫仁和人萬歷戊戌進士改庶吉士授  
兵科給事中謫知嘉定縣稍遷南行人司副累遷

太僕卿以右都御史巡撫南贛有清遠山人漫槩

題李都督朝鮮圖

王者安天下終資不戰功  
金城圖畧上青海戍樓空  
長笛關山月寒砧木葉風  
還將憂國淚添入錦題中

鄧漢

六首

漢字遠游建昌新城人萬厯戊戌進士除浦江  
知縣調秀水再調內黃徵授河南道御史巡按  
雲南升山東副使轉浙江右參政山東按察使

擢右僉都御史撫順天有留夷館南中紅泉諸  
集

詩話遠游詩敦琢而出頗近俞羨長何无咎  
二山人微嫌鬱轆耳然勝楚人之咻多矣

### 武定變

朝登武定城暮宿抵羅次有何龐眉史遮車泣訴事問  
史何所苦問史何所覲史耄復健忘憶一不記二往者  
萬厯初邊守幸康又守令咸得人民物鮮札厲伍伯不  
到門什一有恒稅斛米纔十錢半鋸易一醉龜貝自轉

輸工價集駢坐相歡太平人但供角觝戲嗚呼廿載間  
乾坤一幽閉中丞文且武抵掌談封拜羽檄豈虛來兵  
革靡寧歲忍以百萬命而快一人意忍白千里地而希  
茅土賜守臣本螽賊中璫甚狂獬此輩紈袴子況彼糞  
除隸咆哮而負嵎逢者鮮不噬不忍因民怨奈何虎冠  
吏一夫敢倡難餘孽竟昌熾訛傳寇初集頗遭守者言  
龜勉投殘甲垂頭望睥睨蜂涌圍已合蟻薄城遂潰巷  
戰力不敵免胄期殞碎烈烈金與王闔門竟死義宛轉

蛾眉女慷慨丈夫氣泣抱黃口兒牽挽及娣似相繼付  
烈燄義不汙賊鎖草間苟求活羞彼郡都尉難撲燎原  
火易乘破竹勢中丞文且武小醜曾帶芥下令城中外  
毋得輒引避按堵第如故已定退賊計賊來如風雨剝  
膚患孔亟晨興牙門啓文武咸就位寇賊在門庭請問  
計安出中丞噤無語汗流手顫悸但云烏合衆不久自  
當退城外鼓盈天城中哭震地賊徒皆重鎧踉蹌錯其  
臂每聞得漢兒刃腹必洞刺剗腸絰樹枝烏鳶下爭食

尸積雲津橋血流滇海澨中丞非不武空拳安可試登  
樓望賊徒憊然思所畏或用緩賊謀姑為好語慰彼賊  
若罔聞瞋目仍攘袂惡詬至不堪左右皆沮媿甘受城  
下盟竊發虞姦細犒用十二牛文錦先皮幣葦紫織成  
衣黃金鈎落帶銀印龜形鈕本自上方製名器敢輕假  
曾謝挈餅智賊衆始拜舞觀者猶惴惴賊來荷戈入賊  
去駝金回何對切可憐窈窕娘抑作犬羊配虜獲動無算男  
婦必累騎輜重百里間繇繇行不絕此芮切獬賊固驍悍

小勝輒怛怛

餘制切

中丞文且武開門悉精銳擊歸伺其怠

小醜安足殲但聞攀牆看誰將一矢遺

去聲

夷民舊部落府

主新儀衛前歌後有舞送歸刺史廨昭昭漢日月幾向

蠻天墜忍死幸須臾延頸王師至焚香拜馬首雙頰如

雨淚不意溝壑軀復覩漢旌幟感激活我恩人持一筥

餌長跼主帥前帥聞乃大譁怒聲吼如雷立命三軍士

居此圍城中盡與賊勾結

吉詣切

從賊有顯戮任其所斬

刈軍士擁向前兩手捽其髮

方味切

舉刀便欲斫觀者但

睜眦叩頭連乞命我輩有何罪爾輩實無罪是爾命盡

日而切而至

昨傳中丞令首開購級例重賞不踰時以此競

趨利撙賊無所得失利且有害頭顱許借我誰能別真偽老幼聞此言號擗淚盈皆生既無門控死當訴上帝駢首就鋒刃流血如泉沸次第列功狀報捷日三四中

丞啓捷書抵掌大稱快催軍益前進功多賞亦倍傳教諸將營努力功名會今年殺諸賊金印如斗大當取懸肘後急擊慎勿失

式吏切

天網恢恢布多殺神所忌逆賊



既就俘將吏亦被逮糜爛同一理誰逃百六阨

烏懈切

叟

昔有三子諸孫繞膝嬉酷經喪亂來竝無髻歛嗣田園  
既蕪沒居室遭焚燹親友凋殘盡生理迷所寄人皆羨  
高年高年有顛顛歎息老叟語停鞍重歔歎

去聲

召變良

有初妖象著為讐町疃作戰場噫嘻宜偶值

### 閒居

敬通居里日彭澤去官辰酒熟邀田父花時對孺人素  
琴橫竹几藜杖挂山巾在世無明畧猶堪傳隱淪

田家樂 二首

烟火高原合雞豚小市通夜行防虎阱寒至築牛宮捕  
雀遵桑翳澆麻引竹筒今年倍收秫不怕甕頭空

挾彈驅田鼠持竿放野豚但令倉有粟寧使婦無禪賣  
藥曾過市催租少到門不知今去漢歷代幾兒孫

奉陪蘇中丞游招寶山同作次壁間韻

突兀如臨碣石傍天青島嶼辨微茫千年陰火疑潛爇  
三足陽烏本內翔魏闕遙瞻天北極戈船爭指日南王

臣心似水朝宗遠一任沮洳變作桑

春日述懷寄湯義仍四十韻

漢域春陰盡蒼山旅病淹梯航三面入風壤百夷兼五  
尺通秦道單車即瘴炎投荒虛繡斧覽勝引丹幃市有  
紅藤篾家珍白井鹽涪蹄規海闊峯寧露峰尖霜蓓長  
含潤溫泉側注瀦衣冠餘熨燮貨貝古閭閻茉莉簪花  
艷秣杭釀酒甜緬文披似篆蠻語聽猶譚蜂燧宵常警  
崔蒲日戒嚴由來稱卉服未可廢戎鈐往者勞徵發王

師快殄殲傷心多戰哭無術救危貼退食聊閒步幽吟  
却卷簾磔雞初學卜射隼竟空占牽拙身何補浮湛趣  
自恬怪看顛種種轉益貌廉廉藥裏頻教命觚毫嬾欲  
拈神龜寧要灼廐馬刺須箱自笑名為累誰知意所快  
以予嬰世網念子獨淵潛客坐閒垂釣妻鉏並擁鎌游  
魚窺硯沼微雨映書籤句琢文心巧時推筆力銛七襄  
勞組織一字費鍼砭善戲非為虐雄文合愈疢木蘭舟  
汎汎荷芰帶澹澹麗曲傳箏柱閒情詠鏡奩吟當花纂

纂舞愛玉摻摻多取天應忌高名已亦嫌餘生甘劓刑  
抵死乞髡鉗老態杯中失窮愁病裏添澤靡安飲啄涸  
鮒且喁噏世外論歡賞私衷早屬饜筌蹄自有契膠漆  
乃非黏別怨稱殊未歸期歎不詹春心傷碧草秋望滿  
蒼薰饑渴思瓊樹書題倚素纈空庭無過鴈竟夕坐明  
蟾今古論冤憤乾坤幾顧瞻已而應諛鳳宛彼一鳴鷄  
種竹籜官舍看雲到步檐池萍青靡靡砌卉綠纖纖戀  
關心徒奮傷時口合鉗風塵途漸迤原野氣猶燿輦轂

憂烽火深宮歎金鬕迷津憐弱喪回策庶西崦瘴海愁  
空說鄉園淚暗沾思君遙送目烟雨晦巴黔

毛堪一首

堪字公興吳縣人萬厯戊戌進士除吉安推官  
選授廣東道御史升大理寺丞歷官南京通政  
使卒贈工部右侍郎

蘭津謁武侯祠

羅岷山勢接哀牢丞相曾經駐節旄尚有里巫鳴社鼓

依然陣石出江槽  
偏安西蜀非初願  
深入南方豈憚勞  
精爽不隨炎漢盡  
蘭津終古薦溪毛

吳文企

四首

文企字季駒號白雪  
南京旗手衛籍景陵人  
萬曆戊戌進士除戶部主事  
歷郎中出知寧波湖州  
二府終陝西按察副使  
有絮菴慙錄

詩話白雪應吏守湖州時  
纍薪不給課僮僕刈後園  
豐草折枯樹以炊拾得石  
一片上有玉筍二字其旁  
題識已滿乃宋元豐間物  
笑曰太守落落如此石石  
應太守將去及遷秩載之以歸

置香雨樓聞至今尚在也其菰  
蘆集在湖所著詩頗饒清韻

題資福寺同寮友作

行到寺邊寺坐看山外山講堂分戶牖野席對溪灣暗  
水香厨引高雲絕頂還茶瓜深話久欲起更牽攀

登定海八面樓望海

便欲乘潮去登臨小白華憑誰辨灰劫無術算河沙開  
士元居海仙姑舊姓麻蓬萊幾清淺好問蔡經家

汎舟碧浪湖 二首



紺塔高懸山寺蘭舟不遠人家載出村莊兒女折來楊柳桃花

小櫂白蘋洲渡輕帆碧浪湖風歸到郡城春望湖山盡在樓中

沈孝徵

一首

孝徵字公廉海鹽人萬厯戊戌進士除工部主事歷郎中出為河南按察副使有玄暢閣集

顧太

初云公廉諸體未嘗不師古人而惟陳言務去

陪祀長陵

憶昔攀龍向鼎湖，幾回清夜聽啼烏。  
南來風雨羣山合，北望關河落照孤。  
累葉衣冠瞻祖廟，中宵綵仗發清都。  
霜華滿地松楸冷，英爽于今陟降無。

高出八首

出字孩之萊陽人，萬厯戊戌進士，知曲周、高陽。  
盧氏三縣，升南京戶部主事，歷郎中，出為蘇松  
參議，遷副使，轉河南參政，升按察使，降廣寧道。

監軍副使改西平堡監軍有盧隱郎潛二集

馮元

成云孩之詩能不襲陳言

焦弱侯云孩之因

故為新去俗從雅譬之朗玉孤桐自中天律

詩話孩之家本東萊不襲歷下遺派如蘋婆果  
初生食之味雖近醅猶勝冬月儲藏軟同繇絮

### 古意

鳳鳥久不至丹穴邈難尋如其今來儀不異他山禽所  
以鳴岐後千古閱其音

### 箕山

箕山於太室如岱有梁甫輔嶽竝稱尊他山遑敢侮願

水源更清石流歷可數所以讓王人洗耳臨其澍一瓢  
棄陶唐飲牛媿巢父後代鮮若儔高風激千古

野憤

三十六年秋高子居于號再覩燕辭壘感我留滯客葉  
墜洛水清虎鬬熊耳夕時物暢所懷山川察今昔差我  
入雲雪八月中天白牛羊懸蒼崖橫街帶阡陌其人或  
巢穴其俗無蓄積催科更復拙課殿甘督責十載曉吏  
事無能效涓滴折腰如尺蠖妻妾交不憚空谷幸無人

時縱尋山屐庶少填委煩且免多口謫四海今小康天  
威儼咫尺恭聞聖節前臺省員滿百意氣富指陳容易  
輸肝膈封事報寢多往往生彈射元氣存碩果剝廬獨  
安適夫誰作厲階至今餘毒螫天聽愈以高囂訟竟何  
益黨禍歷殷鑒賢者宜自惜紛爭羣小利危言徒喑嘖  
虺域與鬼狐影響襲其迹國事視勝負秦越比肥瘠君  
子處嫌疑虛名中一擲乾坤氣日短萬姓生理窄縈緯  
誠過慮不敢不跼蹐巍巍太祖功百世可憑藉天子堯

舜資式瞻四門闢恭已治無為洛蜀得氷釋小邑物亦  
遂豁此窮愁癖

洛中感秋

紅樹印山路西風颯已驚東京有遺事游客不勝情金  
谷銅駝地周公名伯城二毛動秋興三十豈成名

亭山園次道岸韻

野色臨高閣天風落綺筵屏寒松柏雨杯淨薜蘿烟細  
逕分籬斷春畦抱井圓罨塵憐市眼應接轉茫然

荅贈劉載甫比部言別

五月江流漲家人苦鬱蒸把君贈佳句忽似踏層水為  
別亦常事忘情終不能漸深交態後知己感偏增

自德州買舟北上紀見

茫茫四野水鳥掠風帆土屋無人閉江艘有使監新  
魚隨旱得遺穗進桴芟出涕憂無象涼颭拂露衫

允修山林還作此奉問

西山積翠抱長安銀海瓊泉勢鬱盤千樹春雲靈寢覆

萬年仙月侍臣看旌旗羣帝迴鑾谷風雨諸陵委佩寒  
司馬相如消渴甚欲因多病乞祠官

何慶元

二首

慶元字長人六安州人萬厯戊戌進士授工部  
主事歷郎中出為雲南按察副使有蘧來室稿

新浴夜坐

殘暑渾無賴炎炎赤日懸裸宜新浴後涼愛晚風前團  
扇蒲葵歇方牀莞蒨便明河想清淺烏鵲易教填



雨霽

積雨晨初霽歸心客轉多  
薄雲天縹緲深淖馬如何  
秋水發新漲孤帆揚遠波  
柴扉休更掩或者趨車過

張履正 二首

履正字我先山陰人萬厯戊戌進士廣信府知府

送別夏京兆

如何夏京兆宦況獨蕭然  
雞肋君寧戀羊腸我自憐  
烟花洞庭路風雨石城船  
分手從茲地相逢何處天

送堵師南方伯之任嶺南限韻

熊車曉發建朱幢帝簡名賢任大邦  
南海諸侯推最長中朝國士本無雙  
風清合浦明珠返雨過炎洲瘴癘降  
相送一尊須盡醉明朝回首隔滄江

阮自華一首

自華字堅之懷寧人萬厯戊戌進士  
除福州府推官歷遷戶部郎中出知  
慶陽府再補郃武罷歸有霧靈集

詩話堅之跌宕縱飲為理官扶醉入謁巡按方  
下拜酒污御史衫袖遂挂彈章晚為郡守不視  
吏事惟與賓客分簡賦詩邀遊山水而已嘗大  
會詞客於凌霄臺推屠長卿為祭酒絲管交作  
列炬薰人復為巡按所糾庶幾狂簡之士乎詩  
不求工君子誦詩論世寧含詠懷堂而取霧靈  
也

### 歸路

歸路數千里斜陽咫尺間角聲斷城堞離恨起鄉關宿  
鳥先人入江流背客還月中聽砧杵游子復何顏

曹徵庸

四首

徵庸字遠生一字平子平湖人萬厯戊戌進士

辛丑殿試由延安推官入為大理評事選刑部

主事歷員外郎中終汾州知府有冰雪軒詩集

沈客子云遠生詩蒼

涼曠達多出塵之想

詩話汾州詩品超逸誦之

如食哀梨脆棗大是爽人

### 黃岡道中

芳草展柔綠十里冒長堤  
藤花覆高岡下與垂楊齊  
穀雨春欲盡雙禽互悲啼  
行子感于役思歸息山谿閒看

理綸繩坐釣桃花西及春事偶耕烟蓑引鉏犁斗酒勞  
作苦壺觴恣提攜何為深泥中沒此青驄蹄

秋興

愁來白苧一停歌老去青霜兩鬢過黯黯夕陽高鳥沒  
蕭蕭秋柳暮蟬多冠軍出塞嗟何及前箸籌邊定若何  
昨夜城南橫索馬傳呼客騎渡黃河

和秋柳詩

長信宮前幾樹彫風吹灞岸更蕭蕭空勞好夢三千里

無那輕霜十萬條青眼乍迷魂黯黯蒼烟忽暗路迢迢  
却憐二月春寒淺占斷東風紅板橋

南康官舍

偶住江城池上亭長松苦竹伴餘清牆西秋色斜陽外  
截得廬山一角明

陳允升

二首

允升字雲遠烏程人萬厯戊戌進士滁州知州

有燃藜閣遺藁

秋日苦雨

秋水漸浮堤青禾白鷺樓祝篲空有意抱甕已無畦蛩  
欲依人訴鳩偏逐婦啼不堪翹首望天際濕雲低

碧浪湖

城外烟波浸碧天城頭烟火萬家連中流塔影浮寒玉  
隔岸風光入畫船一片松雲歸獨鶴千秋俎豆列三賢  
由來問俗多淳樸不似西湖競管絃

劉世教

一首

世教字少彝海鹽人萬厯庚子舉人官廣乘知縣有研寶齋藁

古意

高樓有思婦光采瓊樹枝陸離雙玉佩明珠綴巾綦摻  
摻出手爪哀哀寫芳辭清商未終曲聽者淚已滋良人  
無故懽賤妾無前期空憐夜夜月流影過重栢

王嗣奭 二首

嗣奭字右仲鄞縣人萬厯庚子舉人有密娛齋



集

九日聞范君材補官戲簡

龍山吹帽日北闕賜環新好飲黃花酒休令笑逐臣

舟中即事

黃河杳無際白浪卷山回不待窮源去方知天上來

明詩綜卷六十三

欽定四庫全書

明詩綜卷六十四

翰林院檢討朱彝尊編

張以誠一首

以誠字君一松江華亭人萬厯辛丑賜進士第  
一授翰林修撰升右中允終右諭德有酌春堂  
集

贈蕭大將軍移鎮漁陽

鳴沙城北接雲中千里飛狐一道通十萬健兒齊上馬  
旌旗獵獵動秋風

王

衡

六首

衡字辰玉太倉州人萬曆辛丑賜進士第二授

翰林編修有緹山集

高孩之云辰玉詩清  
新踴越卒歸諸雅

靜志居詩話緹山才氣無前而韶年相酬和者  
不過陳仲醇一流臨終自訟曰吾於詩窺其藩  
未造其域可謂得失寸  
心知矣惜也未盡其蘊

雨中徐州道上

鄉山看眼愁向暮山生驛舍清明雨人烟芒碭城花  
飛急流盡雲起大河平一路茫茫白歸心亂旅程

十月

此日田功晏未誅冬月茅雨收紅豆英霜老木棉苞地  
薄秋畦苦官新雜稅交君看窮鳥至歲暮亦登庖

十月十五日冊封分藩

琅函五色下芝宮十月陽春驛樹紅夜半日輪重海上  
天邊星影照江東老臣涕淚謳歌裏游子衣冠拜舞中

檢點退思真過計當年園綺幸無功

穀城

出山逢老人入山化黃石千載石人前紛紛拜行客

支硎即事

夜來月暈半無光今日風來不可當我勸游人且歸去

百花如雨下山塘

錢江浪淘沙

聞道山陰雪半消北連湖水下桐橋桃花浪起衝沙破

恰好東風上白鰲

鄭以偉 二首

以偉字子夫上饒人萬厯辛丑進士改庶吉士  
授翰林檢討歷左贊善右諭德左庶子少詹事  
升禮部右侍郎進尚書兼東閣大學士加太子  
少保有沍泥集

徵兵

羽書諸道召勤王羅幕營前送啓行隆萬邊兵恒十萬

薊門但付戚南塘

霜降疏請謁德陵

萬壑哀湍霜葉丹  
橋山劔舄碧天寒  
校恩殿下千行淚  
白髮當年舊講官

蔡毅中一首

毅中字弘甫光山人萬厯辛丑進士改庶吉士  
授翰林檢討降麻城縣丞升行人司副遷尚寶  
司丞降長蘆鹽運司判官再入為行人司副改



國子司業進祭酒升禮部右侍郎兼侍讀學士  
秋興

木落江空天氣清西風蕭颯雁南征浮雲暗逐年華變  
岐路虛憐短鬢生千里關河懸客夢萬家砧杵動秋聲  
崇蘭芳芷依然在何處江潭弔屈平

公 鴈 二十四首

鴈字孝興蒙陰人萬厯辛丑進士改庶吉士授  
編修厯少詹事禮部右侍郎謚文介

詩話言詩於萬歷則三齊之彥吾必以公文介  
為巨擘焉即其論詩大指云風雅之後有樂府  
如唐詩之後有詞曲聲聽之變有所必趨情詞  
之遷有所必至古樂之不可復久矣後人之不  
能漢魏猶漢魏之不能風雅勢使然也如漢朱  
鷺翁離之作魏晉諸臣擬之以鳴其一代之事  
易名別調當極其長豈以古今同異為病哉後  
世文士如李太白則沿其目而革其詞杜子美  
白樂天之倫則創為意而不襲其目皆卓然作  
者後世有述焉近乃有擬古樂府者遂頗以擬  
名其說但取漢魏所傳之詞句模而字合之中  
間豈無陶陰之誤夏五之脫悉所不較或假借  
以附益或因文而增損跼踖牀屋之下探肱膝  
篋之間乃藝林之根蠹學人之路阱矣以此語  
於作者之門不亦惡乎夫才有長短學有通塞  
取古今之人一一強同則千里之謬不容秋毫

肖貌之形難為覲面若曰樂府則樂府矣盡人而能為樂府也若曰必此為古樂府使與古人同曹而並奏之其何以自容哉李于鱗曰擬議以成其變化噫擬議將以變化也不能變化而擬議奚取焉又云律詩出於古詩而難於古詩七言後於五言而難於五言故七言於諸體中最不易工古今長技惟杜氏耳杜氏之長則秋興懷古諸將數篇而已近世擬作甚多大率淺率牽合觀者厭焉又贈邢子愿長歌云為君歷代選宗工前稱弘正後嘉隆北地雄渾真大雅步趨盡出少陵下汝南俊逸誠天然邊幅姿態未全捐濟南匠心奇且麗藻續無乃傷辭意武昌才美謝諸君節制之師獨出羣東吳囊括靡不有利鈍未能免人口大抵明興只數家瑜者從來不掩瑕餘子紛紛未易說擬議原非吾所悅丈夫樹立自有真何為效彼西家顰蓋力攻

摹擬之非然觀其七律仍以歷下為宗故有文章一代李滄溟之句同時名家者馮用韞于念東王季木皆拔萃者也

唐蒙有絲

唐蒙有絲不可以縫戴星有穀不可以舂天有匏瓜其誰食之海有昆布其誰衣之飛鳥依人不可與語嘉樹蔽身不可與處鶴飛于天其鳴在陰魚沉于淵其潛在深

客從遠方來

客從遠方來貽我雙文禽置之巾箱中寶惜如兼金朝  
夕供飲啄顆粒比瑇瑁羽翼日以長翻飛歸遠林去不  
歸故棲來不懷好音聚散自恒理眷戀傷予心積羽投  
洪波誰能定浮沉臨崖激翻車誰能論高深

詠古 二首

齊糾亡公子乃有從死臣田橫士五百臨難皆隕身西  
京萬億衆符命爭美新古來稱得士惟在意氣真推心  
置人腹豚魚亦相親

古人獲我心善達窮通理安危慮所居屈伸貴自己已  
貴可復賤中立常不倚衰至易生驕腊毒恒在美薛公  
僅遺榮疏傳庶知止寥廓晞冥鴻矰繳安可擬

歸田雜詠

三首

導汶自艾山南流達新甫東蒙配岱宗其首挈鄒魯一  
山一水間幽勝略可數薄營本荒陬芟除闢宿莽雙溪  
作襟帶連岡若環堵結屋八九間開徑數十武歌仄植  
亭棧夷曠築場圃畚鍤連朝昏胼胝易寒暑但求靜者

便不厭作者苦

避地恐不深吾必在汶上曠野多平疇游目足自廣南  
岡一握中林麓稍森夾石壁拓精舍石門斲新壤陽崖  
連陰峰遨遊愜心賞呼兒荷鋤鋤攜儻治績紡既欣禾  
豆登復見桑麻長八口可無饑亦足代祿養豈足規達  
人庶幾屏塵想

遠遊得暫歸機事久方釋漸與朝市遠轉戀林野寂田  
疇日以親風雨頗相習農人告及春欣然顧襁褓負杖

桑陰午荷鉏麥隴夕遠屋榆烟暝隔水梨花白遠目任  
縱橫安步隨偃息一區安蓬蒿一盃飽橡栗溪山本不  
廉琴酒堪自適

擬杜遺興

人苦不知足有願何終極當其入天門猶未厭羽翼一  
朝成蹭蹬唾井無復惜昔日李將軍灞亭人不識

秋夜

河之水清泠泠漾月色明空庭對牛女此夜情願為乾



鳥飛青冥相思宛轉何時平

濟河道中

汶水南通楚清河北帶齊故山雲淦淦長路草萋萋野  
曠秋天闊峯高夕日低前村疑漸近轉盼暝烟迷

穆陵關

昔日齊侯履南疆盡此封諸山沂作鎮五岳岱為宗

沂山

亦名東太山

霸國猶餘業重關識舊蹤故園相去近回首海

雲重

棲霞邠都宮丘長春成道處

乘槎涉弱水陟降迄仙都石室誰開闢丹臺跡有無  
十洲為近地五岳識真圖坐聽鸞笙晚勞峰天外孤

南竺感舊

鐘磬重巖裏楸梧亂石間水窮仍見水山近却無山  
感慨因懷舊淹留為愛閒自嗟塵網繫雖倦不知還

過蒙陰舊城山家留飲

故堞依山麓相傳漢舊城桑麻千畝遍梧竹一邨平  
客

醉遲歸意來希重別情出門逢野老重與話躬耕

辛丑得第赴館年逾仕矣

釋褐明經暮操觚祕館嚴因知進士少

唐諺五十進士

不遂

老夫潛慣見蒼龍礎

通典舉人獻充庭詩  
充庭初識蒼龍礎

仍攀翠羽簾

洞冥記漢武帝招  
賢閣以翠羽為簾

僛然諸俊後白髮幾莖添

梁臺遇雨

不見梁臺月孤亭暮雨昏感時思艮嶽懷古問夷門苑

竹龍鍾發宮槐兔目存星軺踈應接白鳥對開尊

諸將

上谷漁陽拱帝京相連河外受降城一從塞馬來南牧  
遂使王師罷北征絕徼尚傳青海箭中原新動綠林兵  
主憂正值宵衣日誰向天山答太平

過漢高祖廟

豐南松柏晚蒼蒼漢祖遺宮古道傍父老祇今餘涕淚  
風雲依舊各飛揚一抔事業歸陵土萬歲神靈在故鄉  
却憶炎精銷歇後千秋王氣屬吾王

習家池

峴首宮堯漢水長  
習家烟樹野亭荒  
羊公流涕山公醉  
並枕殘碑卧夕陽

西郊金主釣臺

花石遺京陷戰圖  
薊門衰草釣臺孤  
不知艮岳宮前叟  
得見南兵入蔡無

畿南問宋遼戰地

戰勝河東下薊丘  
高梁失御陣雲愁  
六飛不入燕山府

直見鑾輿到廣州

明湖獨眺

窄岸平橋萬柳斜  
半城春水半人家  
東風吹雨宵來急  
一片鄉心到海涯

南樓

十二樓開列玉京  
分明天上落層城  
檐前寂寂三珠樹  
半夜鶴飛枝上鳴

掖縣道中

齊疆行盡海雲生處處看山自問名麥秀漸漸桑柘綠  
馬頭不見曲侯城

董光宏

二首

光宏字君謨鄆縣人萬厯辛丑進士除刑部主  
事歷員外郎中出為河南提學僉事轉參議副  
使參政遷陝西按察使江西右布政入為順天  
府尹升南大理卿致仕加南兵部右侍郎有秋  
水閣集

補陀

東南澤國半往往饒異蹟大海峙補陀懸崖幾千尺層  
波山震撼斷柎石蒼赤明滅九點烟超忽萬里舶翻風  
驚鳥退近岸亂帆擲西方有聖人東海乃其宅年來詔  
使至旛幢颭巖石我亦飛渡來流覽感今昔摩挲蒼蘚  
花四望曉天白

許昌道中

青郊小雨裊游塵正是芳菲一半春花柳故園應共笑



主人歲歲作行人

許

獬一首

獬字子遜同安人萬厯辛丑會試第一賜進士

出身改庶吉士授編修有許鍾斗集

孟夏陪祀太廟仿顏延之郊祀歌

皇祖於昭賓於帝里照臨萬方匪遠伊邇享祀苾芬陟  
降來止其祀維何大輅玉几穆穆皇皇百辟卿士其德  
馨香升聞不已皇祖居歆醉飽具起孝孫有顙報以繁

祉自今伊始

雷思霈一首

思霈字何思夷陵州人萬厯辛丑進士改庶吉士授簡討有歲星堂集

北郊鷹房作

遼城金壘古鷹房  
羊角風沙接大荒  
野窟舊無狐兔蹟  
小池今有芰荷香  
黃鸝獨語遮深柳  
粉蝶叢飛戀短牆  
千古幽州還禹甸  
卜年開統憶先皇

袁懋謙五首

懋謙字吉卿豐城人萬厯辛丑進士改庶吉士

授兵科給事中有虎溪詩選

擬古二首

行者日以行思者日以思日月相代謝荏苒踰歲時君  
子在萬里獨宿誰與怡徘徊增感傷託夢通音徽音徽  
不可接涕泣沾牀帷披衣還起立東西迷所之

熠熠花間螢照我庭東廂高飛不能起飲羽舒其芒云

是腐草化耀此玄夜長逢時被渥澤朽質自生光

山中晚歸

晨出後鳴雞夕歸先倦馬山烟已染衣望之在平野霞  
光逐日散暝色浮空下追羣獨鳥飛韻壑奔流瀉事去  
無中戀情來非外假入門誰為娛村釀聊可把

同年郭太素從廣陵攜姬人為白下之游賦別

白門花月可憐宵宛轉朱欄映畫橋怪得彩雲飛不散  
玉人新度廣陵簫

東封日本歌

司馬頻年苦運籌東封擬解廟堂憂如今却似商人婦  
愁水愁風望去舟

詩話此嘲東明石  
尚書拱辰作也

俞彦十首

彦字仲茅太倉州人萬厯辛丑進士除兵部主  
事歷員外郎升光祿少卿有擬古樂府

詩話少卿擬樂府自南北朝入亦是解人第篇  
幅稍長輒未合古此韓退之所云不造其堂不

嘒其哉  
者也

企喻歌

新降吐谷渾齊唱部落稽  
汝勿復驕來聽企喻辭

琅琊王歌

二首

金陵山四圍都城帝王住  
江水從西來淮水東南注  
北面望琅琊可憐盡空闊  
鹿挺走他山復藉豐草活

淳于王歌

鬱鬱田中禾禾熟自成穗  
沉沉合歡帳獨寢不成寐

讀曲歌

與歡橋頭別楊柳纔垂絲空局不著子尋思未有基

雍州曲

可憐南雍州形勝山四抱南湖與北渚都上大堤道

作蠶絲

蠶老變作蛹吐絲外成繭但見外綢繆中心無由見

自君之出矣

自君之出矣心慙如調飢思君如貪吏無有饜飽時

折楊柳

二月江水平  
春洲春樹生  
垂楊復垂柳  
新雨更新晴  
蕩子年年別  
東風歲歲晴

捉搦歌

兩馬異力問輿騶  
兩絲異色問離婁  
兩狐異革問司裘  
兩人異處問蹇脩

孫光裕一首

光裕字子長嘉興人萬歷辛丑進士除建昌知



縣補固始擢山西道御史升南光祿少卿有廉  
善堂集

酌酒與求仲

君不見塞上翁失馬不足憂得馬不足喜禍邪福邪迭  
相倚世事大都皆若此邯鄲婦嫁廝養兒宿瘤身入齊  
宮裏紛紛好醜難具陳好醜由天不在人大夢之中還  
說夢浮漚聚散躡屈伸百年能得幾時樂十九憂愁病  
與貧吁嗟乎侏儒飽欲死東方饑欲死才人坎壈自昔

然落落寧惟吾與子且須飲酒醉莫辭人生亦貴適意耳

趙士諤

二首

士諤字審卿吳江人萬厯辛丑進士除會稽知縣入為職方主事調考功司厯文選郎中遷太僕少卿以僉都御史巡撫宣府有中丞詩選

送周蓼洲吏部

久繫中朝望嘉招慰物情不誇津地重獨喜市門清是

處成蹊徑憑誰秉國成渙羣今日事行矣慎持衡

來李方還蕭山

仿佛經過三十秋年年盼望越來舟幾番夜雨曾聯榻  
何處春山不共游往事茫茫渾是夢故人落落總堪愁  
老來轉覺難離別欲去還期十日留

蔡善繼一首

善繼字伯達烏程人萬曆辛丑進士除莆田知  
縣調香山入為工部主事歷郎中改兵部出知

泉州府歷湖廣福建左右布政使有去去齋集

春日閒居

幽棲未擬絕塵寰  
楚帝橋西水一灣  
樹裏暗浮鄰寺塔  
樓頭青入傍城山  
不緣好客寧沽酒  
祇為高僧遂出關  
春鳥自鳴花自舞  
禪心竟日與雲閒

譚昌言一首

昌言字聖俞嘉興人萬厯甲午鄉試第一辛丑  
進士知常熟婺源樂城三縣遷南兵部主事歷

員外郎中升福建參議提學轉山東按察副使  
以參政卒于官贈太僕寺卿有捐石居遺集

詩話譚公宰常熟識瞿起田於諸生中移婺源  
盡錫徽國文公遺書儲之高閣課士子誦習迨  
視學于閩杜絕請託試卷不假一人寓目皆手  
自甄綜案未發公子來省覲寄食旅店中不許  
入廨嘗自謂此官可棄此案不可移蓋視學三  
年而鬚髮盡白矣分守東萊有濰令與遼將相  
構遂以遼兵叛聞巡撫初蒞倉皇入奏檄登兵  
會勦登營多遼人偶語籍籍公大言曰遼將吾  
將遼民吾民誰敢言發兵者入營握遼鎮李性  
忠手令馳箭諭濰營將士皆感泣毛帥在島門  
舉朝交倚為重公獨以東江進兵為厲局曰此  
登寇爾公以積勞嘔血死思陵即阼卹以死勤

事諸臣特贈公太僕卿公在留都結  
詩社讀史社詩愛孟襄陽第不多作

贈吳興蔡叟

先生無俗侶野鶴與同羣  
奕對包山橘書開石室芸  
白蘋雙槳渡紅葉五亭分  
高隱看誰似將無鄭巨君

徐禎稷一首

禎稷字叔開松江華亭人萬厯辛丑進士除刑  
部主事歷員外郎中出知夔州府遷按察副使  
獨木橋

獨木橋林下渡蔓草徑山前路杖藜躡屐閒來去不怕  
秋風與秋兩君不見六州都督三軍將轅門馬道廣十  
丈飛虎風開赤羽旗盤龍日灼紅絲鞅世塗自合有翻  
覆蒼茫眼底生陵谷北闕霜摧壯士心西郊雨暗孤臣  
哭噫嘻東門黃天不肯牽赤血要灑咸陽阡

傅淑訓一首

淑訓字啓昧孝感人萬厯甲辰進士滁知濮州  
調澤州入為工部員外進郎中出知平陽府升

山西按察副使尋提督學政歷陝西參政四川  
按察使遷太常少卿累遷戶部尚書

題香積寺

平甸草鋪似繡高峰石削如門牛羊十里五里雞犬前  
邨後邨

趙彥復一首

彥復字微生杞縣人萬厯甲辰進士官至湖廣  
按察副使有趙微生詩選

汪明生云微生古詩  
有河梁之遺響下亦



不失寶歷流風近體詞以興成  
格由骨振寧律不諧不使句弱

詩話微生牽絲作宰不以簿書廢吟咏晚輯李  
獻吉何仲默王子衡孟望之薛君米高子業劉  
子素張助甫謝茂秦九人之詩目曰梁園風雅  
而以已作附之以為獻吉籍本扶溝聚族於斯  
婚嫁於斯長子孫於斯營丘墓於斯非梁人而  
何君采之先出自偃師而隸武平赤籍茂秦為  
趙王客因卜居子孫遂留不歸鄴志載在  
流寓故亦入選中州之文獻得存其略焉

## 雨

高雲不可即飛雨作泥塗多難詩篇減新涼病骨蘇貧  
仍難鶩食愚任馬牛呼往事庸堪問空嗟白日徂

黃儒炳一首

儒炳字士明廣州順德人萬歷甲辰進士改庶  
吉士除編修歷右中允左諭德右庶子遷南京  
國子祭酒升吏部右侍郎轉左侍郎兼翰林侍  
讀學士有影木軒集

經始興江口

三楓亭下路不盡瘴雲鄉亂石千峰落斜階一水長樓  
船通漢將鐃吹發陳王往事東流盡棲鴉遍夕陽

汪 輝一首

輝字德仲休寧人萬厯甲辰進士改庶吉士授  
編修厯官吏部左侍郎協理詹事府事

春日山行

過嬾倦官遊歸來且多務命駕偶山行始叶泉石趣入  
澗窮窈窕陟峰出雲霧細雨灑春寒輕風飄日暮俄為  
桑門訪忽值友生顧蔬酌供野興晤言寫情素高原恣  
遐眺幽徑暫閒步眷此永日歡信彼頽齡度城市苦氛

罵誰能舍之去

周炳謨一首

炳謨字仲覲無錫人萬厯甲辰進士改庶吉士  
授檢討歷贊善諭德少詹事以禮部右侍郎協  
理詹事府事卒謚文簡

登雞鳴山寺

琳宮突兀雞鳴嶺極目風烟天地寬山疊亂峰來北岳  
水連千峽入桑乾誰人禾黍谿邊種幾處牛羊谷口看

塞下只今歌樂業幕南昨日到呼韓

吳應琦 一首

應琦字景韓桐城人萬歷甲辰進士官大理卿  
滇中有懷

南詔春深暮雨昏懷歸畏有簡書存三年雪鬢行荒服  
萬里冰心答至尊永夜衰親頻入夢何時稚子一迎門  
龍眠櫻筍聞無恙短褐黃冠是主恩

劉士驥 一首

士驥字允良禹城人萬歷甲辰進士官檢討

長陵陪祀作

赤縣歸真主青山鎖故宮玉魚沉永夜石馬立西風  
露秋容肅椒蘭祀典崇明裡鸞馭在濟濟駿奔同

魏 濬 一首

濬字禹欽松溪人萬歷甲辰進士官湖廣巡撫

墟上詩

紆迴巖徑轉嵯峨笑問蠻家第幾窠入市每衣芒木布

出門時唱浪花歌  
峒丁慣苦殲狐矢  
撞女能拋織貝梭  
墟散盡投歸路去  
斷烟半隴罨荒蘿

沈

珣  
四首

珣字幼玉吳江人萬厯甲辰進士授中書舍人  
選山東道御史巡按貴州尋轉福建參政歷湖  
廣按察使河南右布政司山東左布政使擢都  
察院右副都御史巡撫山東有淨華菴豪

詩話先伯祖贈尚書君與公為沈公分校京闈  
所拔其後申以婚姻公之曾祖漢正德辛巳進

士伯位隆慶戌辰進士同懷兄琦琬從兄環璣  
先後皆衣柳汁釋褐門才之盛甲于平江而子  
姓繼之文采風流代各有集則尤世祿之家所  
難矣晚愛逃禪所至廨舍輒事埽除或笑以為  
傳舍何必乃爾公曰宛其死矣他人入室吾未  
見故廬非傳舍也其達觀如是詩頗圓熟略與  
兄弟  
雁行

春日懷長兄在燕

聞道幽燕地蕭條異故鄉  
沙昏天欲黑春半草猶黃  
馬足衝霜冷鴻聲聽夜長  
今宵千里月飛夢舊池塘

鄭州道中



鄭州城北水連空  
蘋葉荷花處處風  
無數沙鷗飛上下  
馬頭彷彿見江東

江南春

繁花紅映赤欄橋  
楊柳新隄繫畫橈  
三十六陂春水碧  
滿船明月一聲簫

女郎綺生卜居江上

窈窕紅樓隔舊京  
重簾瑟瑟擁雕楹  
樓前咫尺官橋路  
認得蕭郎白馬聲

王象晉一首

象晉字子進濟南新城人萬歷甲辰進士授中書舍人遷禮部主事謫江西按察知事稍遷行人司副轉禮部員外歷郎中出為浙江參政官至浙江右布政使致仕卒鄉人私謚康節先生

言志

通籍三十年息肩猶未得靜中自尋思永夜勞轉側來日苦無多胡不惜筋力富貴如浮雲百歲猶頃刻世塗

多險巇反覆無終極何不早挂冠戚友相親暱西塾課  
兒孫東臯藝黍稷早畢公家賦早完私家債濁醪聊適  
口麤糲堪供食八口可無饑四鄰好為德時而曳杖游  
時而曲肱息一事不縈懷兩耳常緊塞用以怡吾神倘  
佯華胥國

樊良樞

二首

良樞字尚默進賢人萬厯甲辰進士歷官廣東

右布政使有三山二酉等集

暮春登滕王閣

江上春歸思渺然危欄百尺瞰寒烟美人南國銷芳草  
帝子東風怨杜鵑半嶺孤雲銜落照一颿遠水淨浮天  
月明十二樓頭曲夜夜吹簫到客船

登岳陽樓

楚館迢迢楚水長雨餘新漲下瀟湘九歌緩節迎河伯  
千古傷心弔國殤肉食幾人憂社稷野謀無計奠疆場  
衡雲莫障長安日搔首青天望帝鄉

祁承燦一首

承燦字爾光紹興山陰人萬曆甲辰進士授寧陽知縣調長洲遷南刑部主事轉兵部歷員外郎中出知吉安府京察謫沂州同知稍遷宿州知州入為兵部員外歷河南按察僉事副使江西右參政有澹生堂集

詩話參政富於藏書將亂其家悉載至雲門山寺惟遺元明來傳奇多至八百餘部而葉兒樂府散套不與焉予猶及見之其手錄羣書目八冊今存古林曹氏寺中所儲已盡流轉於姚江

禦兒  
鄉矣

聞警

醫巫閭下水東流填盡枯骸刺作丘當局豈皆肉食鄙  
傍觀寧盡杞人憂既知殘爽惟爭劫坐視危樯欲覆舟  
可是樞臣饒遠策故將鎮靜作良謀

閩世科一首

世科字伯登太原人萬曆甲辰進士除湖州推  
官入為主事歷郎中出知河間府轉布政司參議

楞伽臺

垂老投簪穩憑高對酒閒江風梳白髮海霧羃青山日  
極秋天遠身依暮鳥還禹功遺跡在千載喜追攀

劉脢昌

一首

脢昌字燕及桐城人萬厯甲辰進士知宜黃臨  
川廣濟三縣遷南京大理評事歷官興化知府  
有遷草覲草遊草

潘蜀藻云廷評詩不假思索  
衝口而出往往有逸氣間似

香山

增城流杯石

增江有怪石形容類虎丘亦可坐千人而多巖厓幽曲  
澗自天成或云鬼斧修仰承千丈泉驚湍變安流土人  
不好事經年罕來游我行及暮春風日妍且柔結伴得  
數子大半高陽儔脫舄坐曲澗杯盃任所投欲去忽復  
往將沉還能浮徘徊若就人想為知己留觀者盡拍手  
我意徒夷猶歎息下山去空坡驅牛羊

范汝梓一首



汝梓字君材鄞縣人萬厯甲辰進士除工部主  
事謫酉陽宣撫司經歷累遷任襄陽推官入為  
刑部主事歷員外郎中出知延平府拾遺謫襄  
陽同知尋守襄陽卒于官

采蓮曲

風吹荷葉十里香采蓮女兒矜豔妝  
櫂聲驚起雙鴛鴦  
雙鴛鴦何處宿白蘋灣紅蓼谷

戴耆顯一首

者顯字令微桐城人萬厯甲辰進士禮部主事  
有梳河集

南旺湖

古為陸地  
云即大野

異代南湖水猶存大野名秋風一夕至蘆荻有餘清蕩  
漾浮堤淨微茫入檻明時時陰雨裏髣髴魯諸城

明詩綜卷六十四